

## **LAS SCHIBETTAS DAL MAIS**

da Patrick Capaul



### **TONBAND «RECORD»**

E finalmain ina gia ina band regiunala cun in debut plain cun davaira gronda musica.... TONBAND da la regiun da Bad Ragaz cun lur emprima schiba cun titel «record» mus-san che complexitad virtuosa sa absolut ir a prau cun musica da pop che tutga immediatamain l'ureglia da l'auditor. Sounds che regordan qua e là ad in giuven trio anglais, arranschaments che fan adina puspè surstar ed ina vusch che para sco in placebo. Dentant èn Simon Ambühl e ses trio da bass/ghitarra e batteria tut auter ch'in plagiati bunmartgà d'in pèr idols, TONBAND han in agen sound, las chanzuns da quest musicist èn pop da la megliera moda e maniera. E qua perdun'ins schiziu ina producziun ed in mix plitost mediocher.

Infos anflais sin [www.tonband.biz](http://www.tonband.biz)

\*\*\*\*\*



### **FAVEZ «OLD AND STRONG IN THE MODERN TIMES»**

La megliera band svizra dal mund è enavos cun in nov album – FAVEZ, quest live-knaller helvetic insumma! «Old and strong in the modern times» è in classic FAVEZ-album: rock'n`roll straight, entiras paraids da ghittarras, battarias plain forza e la vusch strusch supportabla da chantadur/ghitarist Chris Wicky....

Davaira, sch'i dess la musica da quest quartet da Lausanne giu da conserva era senza chant, tadlass jau els a chasa senza il giblem da reverend Wicky!

Sch'ins vesa ed auda dentant quella band live, lura èn FAVEZ effectivamain la megliera band svizra da tut il mund, e lura datti uschè blier

testosteron e rock'n`roll che gnanc'ina vusch sa tartignar quella forza! Pia, FAVEZ sto'ins veser ed udir live – qua vivan els, qua fan els il rocken 100giadas pli dir che giu da conserva! Ed uschia resta la nova schiba tuttina buna, simplamain per far gust sin il proxim concert!

[www.favez.com](http://www.favez.com)

\*\*\*\*\*



### **THE MARS VOLTA «FRANCES THE MUTE»**

Avant bunamain in onn as hai jau preschentà il debut d'ina band americana cun num THE MARS VOLTA. Per tut ils fans da Punts ch'èn anc oz sut in terribel schoc suenter ch'els han tadlà quella schibetta, qua vegn la successiun da quist trip! THE MARS VOLTA èn enavos cun il successur da «deloused in the comatorium» – ed il caos musical cuntinuescha exact là nua ch'el ha gia ina giada fatg «total bu Schubers» vus tuts!

«Frances the mute» è ina da quellas schibas che vegn numnada album da concept, e quai senza ina solita chanzun che para dad avoir in concept....häh? Effectivamain, THE MARS VOLTA èn cun lur segund album anc blier pli experimentals ed «uiarschs»; quasi uschè ina versiun total gaga da Led Zep...il birrafick fonc non-plus-ultra!!!! Smatgai play e puspè rehabilitaziun.... En scadin cas, sche vus avais avunda da 4/4 e 08/15, mai lura è quai il dretg album per vus.....

[www.themarsvolta.com](http://www.themarsvolta.com)

\*\*\*\*\*